

Mube ne Cicetekelo Pamo

Cintu ca anguka ukumfwa amalyashi aya mu Cipingo nelyo ku bantu abakonka Yesu ilelo no kutontokanya ukuti, “Teti ncite ifintu ifyaba nga ifi.”

Aba Hebere 11:1 na 6 itila ati, “Nomba icitetekelo cishinte ca fintu ifyo tusubila kabili cakushininkishako ifintu ifyo tatumona iyo... Kabili ukwabula uku cetekela teti kube ukuseksha Lesa, pantu onse uyo esa kuli ena alingile ukusumina ukuti eko aba kabili alalambula abo abamufwaya lyonse.”

Aba Hebere 11 ilalondolola ukuti icintu icikalamba sana mukupyungila Lesa kukwata ‘icitetekelo’. Yalilanda pa bantu abengi pamo nga Noah na Abraham, aba Yuda babili ‘impalume’ abo bakonkele bwino Lesa. Amalyashi yabo yaba mu Cipingo Cakale.

Tusanga ilyashi lyakwa Noah mu UKutendeka 6 umo citila, “Noah acitile ifintu fyonse ifyo Lesa amukonkomeshe ukucita.” Lesa ali no kutuma ilyeshi lelo alefwaya ukupususha abantu abali no kumutetekela. Aebele Noah ukubasa ubwato panshita ilyo takwali na menshi! Tontokanyeni! Abantu baletumfya Noah no kumweba ukuti takwete amano. Ilyo ilyeshi lyaishile abatu bonse balifwile kano Noah pamo no lupwa lwakwe. Icitetekelo cakwa Noah muli Lesa capuswishe umweo wakwe.

Abraham apusana sana (Ukutendeka 12-25). Abraham bamulaile kuli Lesa ukuti akakwata umwana umwaume nanguline ali umukote elyo kabili no mukashi wakwe Sarah nao ali ni ng’umba. Sarah alikene sana. Ilyo Abraham amwebele asekele fye. Lesa aebele Abraham ati ubufyashi bwakwe bukafula nga intanda. Abraham alishombweke nganshi pa kusumina ifi fintu. Pampela, nelyo ashombweke, Lesa apele Abraham pamo na Sarah umwana kabili afikilishe ubulayo bwakwe kuli bena. Aba Hebere 11 itila ati ni kucitetekelo fye eko Abraham na Sarah bakwatile umwana!

Icitetekelo cimonekela mu milimo – cilalangwa mumusango tuleikalilamo. Icilepilibula ukuti tulingile ukucita ifintu ifyo Lesa aletweba ukucita, nangu tatwishibe bwino umulandu aletwebela ukucita ifyo! Nga cakuti Lesa atila ali no kutupeela ifyakukabila kabili akula tucingilila, tulingile ukusumina kabili tufwile ukubombesha no kucimfya umwenso. Icitetekelo kubiika isubilo muli Lesa na maka yakwe aya kubomba munshila isha cila pa maka yesu fwe bene. Ilyo twasala ukubiika icitetekelo cesu muli Lesa, ninshi twasala ukusubila fye Lesa umwine, icebo cakwe (Icipingo), ne mibombele yakwe intu abomba na bantu abengi nganshi. Lesa kuti ifintu ifya cila pali fyonse ifyo twinga mulomba nelyo ukwelenganya.

Bikeni Muku Cita!

Finshi Lesa alekwipusha ukucita? Umweshi wapwile twaloleshe pa kutendeka Ibumba Lyabumi. Bushe tulekabila ukubiika icitetekelo cesu mukucita? Ukuitwala fye fwebene ‘kunse kulya’ ku cintu bwingi. Bushe Lesa aletwipusha ukuyaeba abantu bamo pali Yesu nelyo ukufwaya indalama shakutila twafilisheko umuntu umu? Ukwabula icitetekelo teti kube ukusumina Lesa. Subila. Bomba. Ulemona ifyo Lesa abomba!


Pepeni ukutila:

- 1) Lesa akamipeela icitetekelo icikalamba no kumilanga ifya kucibomfya (Efeso 2:8-10)
- 2) Ukutwishika konse uko mukwete mukakucimfya fye ukupitila muku belenga Icipingo elyo no kukutika ku mashiwi yakwa Lesa pa mweo wenu.



Bernard apepeleko Peter* uyo umutima wakwe watobaike apakalamba panuma yakulufya umwina mwakwe. “Ilyo twalepepa naumfwile kwati kuli umwela uukalamba sana...Takwali umwela nakalya, lelo naumfwile umwela uwakosa ulepupa. Panuma yaifyo naumfwile ukukakulwa, kwati nalimo nali uwakakwa lelo nomba nakakulwa.”

- Bernard na Peter*, Kalweo, Zambia.



Ili isambilisho lyafumishiwe muli “Icitetekelo - Tulingile Ukusumina” isambililo ilyaba mu citabo ca Temwa Umushi Obe. icitabo icakwafwilisha abantu ukubombela abantu bambi mumushi wabo ukupitila mumbila nsuma yakwa Yesu Kuti mwasanga na fimbi apa:

dignityonline.org.uk/publications

*Ishina lya licinjishiwe pa kucingilila inkama yamwine

Bemba